

kemur fram að stjórnmálasamtökum, sem bjóða fram lista við kosningar, og frambjóðendum í forsetakjöri sé heimilt að óska eftir rafrænum aðgangi að kjörskrá hjá Pjóðskrá Íslands. Pjóðskrá Íslands telur óljóst hvað felst í orðunum rafrænn aðgangur og mögulegt að túlka ákvæðið á fleiri en einn veg. Nauðsynlegt sé að skýra nánar hvað sé átt með rafrænum aðgangi. Er þarna um að ræða uppflettaðgang á grundvelli einnar kennitölu í einu í senn eða er um að ræða kjörskrá í heild sinni á tölvutæku formi?

Notkun rafrænnar kjörskrár

Í 34. gr. frumvarpsins er fjallað um notkun rafrænnar kjörskrár. Hluti þeirra verkefna sem Pjóðskrá Íslands ber ábyrgð á samkvæmt ákvæðinu varða framkvæmd kosninga. Má velta upp þeirri spurningu, líkt og gert er hér að framan við 21. gr., hvort það sé eðlilegt að Pjóðskrá Íslands hafi slikt hlutverk við kosningar eða hvort slikt ætti að falla undir ábyrgð landskjörstjórnar.

Reglugerðarheimildir

Í 3. mgr. 41. gr. frumvarpsins kemur fram að ráðherra geti, að fengnum tillögum landskjörstjórnar sett með reglugerð fyrirmæli um að meðmælum skuli safna með rafrænum hætti með eyðublöðum eða viðmóti sem Pjóðskrá Íslands lætur í té. Pjóðskrá Íslands telur æskilegt að tekið sé fram með hvaða hætti rafræn auðkenning telst fullnægjandi. Taka þyrfti fram í reglugerð hvort miða eigi við fullgilda rafræna auðkenningu eða Íslykil.

Kostnaður

Í 139. gr. frumvarpsins er fjallað um kostnað við sveitarstjórnarkosningar. Þar kemur fram að sveitarfélög greiði fyrir kostnað vegna þeirra verkefna sem Pjóðskrá Íslands fer með en annar kostnaður, þ.m.t. kostnaður vegna þeirra verkefna sem Pjóðskrá Íslands fer með við kosningar, greiðist úr ríkissjóði. Stangast þetta ákvæði að einhverju leiti á við 30. gr. frumvarpsins og tilgreiningu kostnaðar þar.

F.h. Pjóðskrár Íslands

Inga Helga Sveinsd.

Inga Helga Sveinsdóttir
Lögfræðingur